



74
6272
5



74
6272
5

欽定禮部則例卷二十五



木五味均平藏

儀制清吏司

經筵

一凡春秋仲月

皇帝御文華殿舉行

經筵禮以滿洲講官二員漢講官二員充直講官

欽命四書經義各一道直講官撰擬講章進

呈屆期進講每歲春季於開印後秋季於七月下

旬具題並將歷年舉行

欽定禮部則例

卷二十五

儀制清吏司

一



經筵開具清單一併進

呈

旨下劄欽天監擇吉日時恭繕儀注具奏如先期奉

旨於某日

經筵仍劄欽天監擇吉時恭進儀注若二仲月恭

逢

皇帝巡幸停止具奏

一具題

經筵大典屆期告祭

奉先殿

傳心殿照例

遣官行禮

旨下行內務府奏

派遣官祭

奉先殿行太常寺奏

派遣官祭

傳心殿行翰林院撰擬告祭祝文二道進

呈後徑送內務府太常寺

謹按乾隆六年六十年舉行經筵高

欽定禮部則例

卷二十五

儀制清吏司

二

宗純皇帝親詣 傳心殿行禮。○嘉慶元年
二十五年舉行 經筵。 皇上親詣行禮。

一

經筵前引用禮部滿洲堂官二員。內有現充講官
者。是日仍入講官班。應移取內閣及各部院衙
門滿洲堂官職銜奏

派得

旨知會該衙門。

一滿洲直講官。漢直講官。各二員。由翰林院奏
派。至滿洲講官。漢講官。及侍班日講官。並行翰林院

開列銜名送部。

謹按嘉慶八年六月奉 諭彭元瑞英和奏請增設滿講

官一摺。日講起居注官。滿員向止八缺。較漢員
減少四缺。每遇侍班及舉行典禮。不敷勻派。若
照所請。准其增設滿講官二員。作為額
缺。該衙門即行帶領引見候朕簡派。

一侍班大學士六部尙書。左都御史。通政使司
通政使。大理寺卿。詹事府詹事。滿洲一員。漢一
員。如中有充講官及出差等事者。以侍郎。左副
都御史。大理寺少卿。通政使司副使。詹事府少
詹事。補班。行各衙門開列全銜送部。
一侍儀。滿洲給事中。漢給事中。各一員。滿洲御

與漢御史各一員行都察院六科開列銜名送部。

一將滿洲講官漢講官及侍班大臣銜名分別班次繕寫清單轉行內管領豫備鋪瓊並將滿洲講官漢講官及侍班大臣侍班日講官銜名行內茶房豫備。

賜茶 日講官。中御史不。賜茶不鋪瓊給事。

一行各衙門凡講官侍班侍儀及有執事官員於前一日咸集。

文華殿演禮行鴻臚寺派員序班。

一衍聖公入

親來京恭遇

經筵即令入班行禮。位次在東班大學士之次吏部尚書之上。

一行工部備

皇帝書案講官講案豫期送

文華殿鴻臚寺派員陳設行內務府備黃縹緞桌套雲緞桌套送

文華殿陳設

一前三日禮部恭奏儀注行各該衙門一體遵照行內務府自

乾清門至

文華殿門前

駕所經行之路先行掃除潔淨並劄欽天監派官在

乾清門及

文華殿門前候時

一

經筵日遇雨雪執事官員衣雨服列班其丹陛上

行禮及

賜茶諸儀均行停止於儀注內聲明

舊例經筵日遇雨奏請改期

謹按乾隆七年奉

上諭今日舉行經筵

典禮禮部據向例以天雨奏請改期朕思魏文侯將出獵而雨左右不欲行文侯曰吾已與虞人期矣豈可無一期會哉乃往身自罷之夫田獵之娛尚不以遇雨失期况經筵大典業經祭告自應舉行但執事諸臣例應在丹墀內排班行禮未免沾濕著穿雨衣排列駕到即入殿進講講畢即奏禮成其階下行禮殿內賜茶諸儀停止嗣後凡遇雨俱照此例行

儀注

是日滿洲講官漢講官俱補服袍用蟒袖及侍

班內閣滿洲大學士。漢大學士。六部尚書。侍郎。都察院。通政使司。大理寺。詹事府。滿洲堂官。漢堂官。各一員。各具補服至。

文華殿丹墀兩旁序立。侍儀。滿洲給事中。漢給事中。各一員。滿洲御史。漢御史。各一員。補服於兩旁稍後立。

起居注官四員。補服。立於西階下。鴻臚寺官。豫設皇帝書案。及講官講案。翰林院官。將

御覽講章正本。及講官所講副本。豫設案上。四書講

章在左。經講章在右。至時。如恭遇祭。傳心殿。於儀注

內聲明。屆期。皇上親詣。傳心殿。於儀注。殿行禮畢。乘輿詣。文華殿等語。禮部堂官

奏請

皇帝御常服乘輿出宮。前引大臣二員導引。由

景運門詣

文華殿

皇帝於殿前丹陛上降輿。陞

寶座。

起居注官升西階。入

殿右門立於西柱之西導駕之禮部堂官於

於御座兩旁左右鴻臚寺堂官二員分引

立侍衛於階下左右立

講官暨侍班官由左右階進至丹陛上兩旁排

立侍儀科道於丹陛上東西相向立謹按嘉慶十五年奉

上諭向例臨御經筵陸殿及宣講後講官

同侍班各官均於文華殿丹墀內行二跪六叩

禮丹墀中直甬道殿內不能俯囑講官暨侍班

嗣後著改於丹陛上分左右行禮

官聽鳴贊官贊行二跪六叩禮鴻臚寺堂官分

引各官進

殿內滿洲講官於東柱前立漢講官於西柱前立

滿洲侍班漢侍班官各按衙門於講官後左右

序立東班內閣大學士吏部戶部禮部通政使

司詹事府西班兵部刑部工部都察院大

理侍儀科道於東西隅相向立東班給事中西

鴻臚寺堂官退就

殿東西檐下立鳴贊官贊進講直講官各從原班

出進至講案前行一跪三叩禮退立原班滿洲

講官進前講四書次漢講官講四書畢退立原

班

滿洲講官出東班西趨及中門左棖前折旋

北面就案左進講却退折旋東趨復位漢講

官出西班東趨踰中園及左棖前折旋

北面就案左進講却退折旋西趨復位

次定禮部則例

卷三十五 儀制清吏司

皇帝宣講御論各官面北跪聽畢與滿洲講官進前

講經次漢講官講經畢退立原班滿洲講官出

中闌就案右進講漢講官出西班東趨就案右進講

皇帝宣講御論各官面北跪聽畢與鴻臚寺堂官引

講官暨侍班官至丹陛兩旁排立聽鳴贊官贊

行二跪六叩禮禮部堂官奏

經筵禮成

皇帝出

文華殿

御文淵閣各官進至閣內列班

賜茶畢

皇帝乘輿還宮翰林院恭

進講章正本交內監收進各官於

文華殿東配殿

賜宴和聲署樂作歌抑戒之詩光祿寺司官行酒供

饌如儀是日令禮部堂官一人主宴

派護軍統領一員護宴宴畢鴻臚寺堂官鳴贊官引

各官至

太和門外謝

恩行一跪三叩禮。禮畢。眾皆退。如

經筵日遇雨雪。執事官員衣雨服列班。其丹陛上

行禮及

賜茶諸儀停止

謹按乾隆四十七年。經筵筵宴。奉旨交內廷辦理。經內務府奏

定在

淵閣筵宴。

欽定禮部則例卷二十六

儀制清吏司

臨雍

一恭遇

皇帝臨雍

旨下。先行題請。令衍聖公帶領族中俊秀五人。衢州

孔氏。山東東野氏。陝西姬氏。及四配十二哲五

經博士。帶領族中俊秀各二人。

朱子裔婺源一人。建安一人。

乘驛赴京陪祀。其觀禮人員。聖裔勿過二十人。

內曲阜籍十二人。衢州籍八人。四配裔勿過八人。十二哲裔勿

過四人。俱由衍聖公造冊送部。如不得其人。寧

缺勿濫。至各氏後裔。現列朝官。在京候選。及舉

貢生監等。咸詣太學觀禮。得

旨。行衍聖公及山東巡撫等處。並知會在京各衙門

一衍聖公及五經博士等到京日。另摺奏

聞。謹按雍正二年。舉行視學大典。值衍聖公

行禮。禮部奏衍聖公坐次在大學士下。尚書上

今代衍聖公行禮。孔繼溥。服色仍照本身品級

坐次。應在左翼一品官之末。奉旨。既代

衍聖公行禮。令在原班坐。是年謝恩表

仍用孔傳鐸名。○嘉慶三年。臨雍。咨准安

徽婺源縣朱子裔。應襲博士。朱光燮。現年十一

歲。尚未送部考試。承襲。即令代理。博士朱學楷

帶領族中俊秀來京。陪祀。又原襲北宗孔氏五

經博士孔憲增。遺缺。現無合例之人。准其以

原襲六品官孔廣根。代管。帶領族人陪祀。

一凡遇

臨雍大典。先

釋奠於

先師。謹按乾隆五十年。臨雍於上丁

春儀。釋奠後舉行。是日。大成殿行禮。悉依每歲仲

節。御辟雍殿講書。應用何經書。交內閣請

旨講章交祭酒司業撰擬。

恩賜衍聖公等冠服交工部辦造。

賞銀於戶部支領。

崇聖祠及東西四配十二哲兩廡分獻官交太常寺奏

派

恩賜筵宴交光祿寺辦理。

一進講官東班滿洲大學士漢大學士各一員由部移取銜名奏請

欽派其西班即令滿洲祭酒漢祭酒進講。

- 一侍班左翼王公四人右翼王公四人衍聖公
- 一人大學士六部尚書左都御史通政使司通
- 政使大理寺卿詹事府詹事滿洲各一員漢各
- 一員如中有出差等事者以侍郎左副都御史
- 通政使司副使大理寺少卿詹事府少詹事補
- 班行各衙門開列全銜送部
- 謹按嘉慶三年臨雍咨准衍聖公本生父孔憲增恭遇
- 祿大夫來京陪祀准其於
- 於一品官之末隨班行禮至
- 殿內侍班究係
- 覃恩
- 文廟釋菜時入
- 馳封虛銜不准列入

一侍班

起居注官四員。行翰林院開送。其引禮之鴻臚寺堂司各官。行該衙門照例出派。將各銜名一併送部。

一侍儀。滿洲給事中。漢給事中。各一員。滿洲御史。漢御史。各一員。行都察院禮科。開列銜名送部。

一將進講。滿洲大學士。祭酒。漢大學士。祭酒。及侍班王公。衍聖公。大學士。九卿。詹事。

起居注等官銜名。分別班次。繕寫清單。行內務府豫備鋪壇。並付精膳司。轉行內茶房。豫備

賜茶。

一行查

咸安宮。宗人府。內務府。各學滿洲教習。漢教習。及咸安官。

景山宗學。十五歲以上之官學生。並出示曉諭在京之進士舉人貢監生等。具呈赴部報名。均造冊送國子監。咸令隨班行禮。

一凡進講侍班侍儀并有執事官員及各氏後裔八旗滿洲教習漢教習官學生直省在京之進士舉人貢監生等先期行文各衙門并出示曉諭於

臨雍前咸集國子監演禮行鴻臚寺派員序班。

一行國子監令助教學正學錄等官率領六堂肄業生圍橋聽講。

一外藩使臣來京恭遇

臨雍大典即令隨班行禮

謹按乾隆五十年臨雍朝鮮國使臣隨班行

禮其班次在甬道西百官之末。

一行欽天監擇

臨雍吉時并派候時官一員先期將職名送部。

一前三日恭進儀注。

旨下通行各衙門并知會衍聖公等。

一

聖駕出宮由太常寺卿奏請

釋奠以太常寺卿一員贊引禮部滿洲尚書一員對引祭畢。

臨雍以禮部堂官二員前引。如不敷。咨取各部院堂

銜奏

派

一行工部備

皇帝書案。行內務府。備黃糙緞桌套。豫期送

辟雍殿 謹按乾隆五十年 臨雍講官講鴻

臚寺派員陳設其

御覽講章及進講副本。由國子監祭酒。屆期恭捧陳

設

一行樂部。豫設中和韶樂於

辟雍殿階下。設丹陛大樂於太學門內。設丹陛清

樂於大樂東

一行工部。豫設

皇帝更衣幄次於

大成殿階下。行武備院設

寶座鋪陳。行鑾儀衛設

法駕鹵簿。並按

文廟應差廟戶。給發衣三十一領。帽三十一頂。行樂

部備導迎樂。行國子監屆時鳴鐘鼓。行兵部派撥兵丁。於是日在國子監外周巡防護。

一行步軍統領衙門自

東華門至成賢街。

駕所經行之路。先行打掃潔淨。

臨雍日。派員於

東華門外齊班。查收迎送職名。與常祭祀同。

臨雍日。王公百官陪祀穿朝服。侍班更蟒袍補服。守部進士舉人迎。

駕穿朝服。觀禮更蟒袍補服。仍穿蟒袍補服送。

駕各學副管。教長。教習。候補教習。舉人。并有職之各氏。後裔。貢監生。穿補服。無職之各氏。後裔。及貢監生。穿藍鑲青衫。披領。金雀高頂。在監肄業之廕生。照所得品級補服穿戴。各項官學生。宗學照

賞給頂戴。世職。照所襲品級。迎。

駕穿朝服。觀禮更蟒袍補服。舉人穿補服。貢監生藍
鑲青衫。披領。金雀高頂。生員童生。青鑲藍衫。披
領。銀雀高頂。

一 衍聖公祭酒先期撰擬謝

恩表文。繕寫正副送部。轉送內閣繙譯進

呈仍由禮部領出。發交衍聖公祭酒屆期親捧恭
進。

一

臨雍次日。衍聖公率五經博士。各氏後裔祭酒司業

率六堂及各官學師生於

午門外捧表謝

恩屆期鴻臚寺派員設案。御史糾儀。鳴贊序班贊引
均先期行知各衙門。其應用黃案桌套。移咨工
部豫備。

一

臨雍禮成後。

賜衍聖公。各氏後裔。內閣。翰林院。詹事府。都察院。太
常寺。光祿寺。鴻臚寺。國子監。執事各官。宴於禮

部。豫行各衙門開列職名送部。付精膳司轉送

光祿寺豫備。越三日。

頒賜衍聖公各氏後裔及國子監官員冠服於

午門前。知會衍聖公及國子監。謹按順治九年。康熙八年。雍正二年。

祭酒司業。錦緣領袖紵絲袍。監丞。五經博士。各

氏子孫。筆帖式。紵絲袍。助教。緞袍。各一襲。○乾

隆三年。加賜衍聖公。御製樂善

堂文集。墨二匣。貂四。孔氏後裔。貂各三。五經博

士。貂各二。○五十年。賜衍聖公。貂冠朝

服。進講滿洲大學士。漢大學士。及祭酒司業。八

絲緞袍。褂各二卷。監丞。五經博士。各氏後裔。助

教。筆帖式等官。八絲緞各一卷。加賜衍

聖公。墨二匣。貂四五。經博士。各氏後裔。墨各二

匣。貂各二。是年。臨雍遇雨。又。加

賜各氏後裔。五絲緞共一百二十二卷。○嘉慶

三年。賜衍聖公。貂冠朝服。大緞四卷。徽墨

四匣。貂四。進講滿洲大學士。漢大學士。八絲緞

各四卷。祭酒。八絲緞各三卷。司業。八絲緞各二

卷。監丞。助教。筆帖式等官。五絲緞各一卷。

至聖後裔。及五經博士。並各氏後裔。八絲緞各二卷。墨各二匣。貂二。

一禮成後。國子監將

臨雍御論敬謹刊刻。向例。臨雍三日。內閣撰擬

刊刻頒行。謹按乾隆五十。勅諭一道。頒國子監

年。改用。御論二篇。通行頒發在京各官

學。及直省學政。轉發各儒學師生。咸資誦習

一衍聖公。祭酒。進表謝

恩後將聖賢後裔來京陪祀觀禮人數歷次如

恩舊例一併具奏得

旨行國子監順天府

謹按順治九年五氏族人來京陪祀者俱准送監讀書仍廣本

監鄉試中額十五名。康熙八年准以十五人送監廣中額八名。雍正二年來京陪祀者十

五人俱准送監廣中額十八名。乾隆三年來京陪祀者三十一人俱准送監廣中額十八名

○五十年來京陪祀者三十七人俱准送監廣中額十五名。嘉慶三年來京陪祀者三十九

人俱准送監廣中額十五名其歷次觀禮人員俱經吏部題請議叙

一陪祀各氏後裔禮成之日送監讀書三月肄

業期滿貢生咨送吏部以應考職銜掣籤註冊

廩生增生附生監生准作恩貢武生奉祀生俊

秀准作監生其執照俱由禮部給發

一觀禮各氏後裔禮成之日咨送吏部辦理除

執事官毋庸議叙外現任者紀錄一次候補候

選者於補官日各紀錄一次貢生以應考職銜

掣籤註冊廩生准作貢生增生附生奉祀生准

作監生其執照俱由吏部給發

一聽講之進士舉貢生監及各官學教習助教

官學生等由監造冊送部將歷次

賞給銀兩舊例奏請得

旨行戶部國子監謹按順治九年康熙八年雍正二年俱奏准聽講貢監生賞

銀一兩。○乾隆三年奏據國子監冊送隨班聽講者計三千二百八十五名并各官學管長教

長助教教官教習及學生計九百二十四名應旨奉

否一體賞給之處請旨俱

准賞給。○五十年隨班聽講之肄業生及進士舉人貢監生廕生八旗官學教習官學生共三

千九十三名俱賞銀一兩是年

臨雍遇雨各加賞紬一疋○嘉慶三年

隨班聽講之肄業生及進士舉人貢監生廕生八旗官學教習官學生共二千八百八十五名

俱賞銀一兩

儀注

是日早工部官設更衣

御幄於

大成殿階下之東南向樂部和聲署設中和韶樂

於

辟雍殿階下設丹陛大樂於太學門內設丹陛清

樂於大樂東武備院設

寶座鋪陳鴻臚寺設經書案一於

寶座前又設講案二於

寶座下稍南東西向祭酒恭捧

御覽講章陳於案上。書左經右。捧進講副本。陳書於左案。陳經於右案。進講滿洲大學士。漢大學士各一人。在左案。西面。滿洲祭酒。漢祭酒各一人。在右案。東面。左翼王公四人。衍聖公。內閣大學士。及吏部。戶部。禮部。通政使司。詹事府。堂官。滿洲漢各一人。在進講大學士之後。西面。右翼王公四人。兵部。刑部。工部。都察院。大理寺。堂官。滿洲漢各一人。在進講祭酒之後。東面。

起居注官四人。在西南隅。亦東面。侍儀。給事中。御史各二人。在東西檐柱內聽講。各官在橋南甬道東西。六堂師生各序立堂階下。鴻臚寺鳴贊二人。立東西檐柱外。鳴贊官二人。立於階下。又鴻臚寺官四人。分立。

辟雍橋南左右。鴻臚寺官四人。分立太學門外左右。皆東西面。屆時。太常寺卿奏請皇帝具禮服。乘輿出宮。

午門鳴鐘鼓。不齋戒。王以下文武各官。於東華門外分翼排立。候。

駕過跪送

法駕鹵簿前導。不作樂。

駕出東華門。至成賢街。國子監祭酒司業率所屬官俱朝服。諸生俱公服。於街左跪迎。陪祀王公大臣百官俱朝服。先至大成門外祇候。隨

駕入。

皇帝至更衣幄。次降輿。贊引官一員對引。官一員恭導俟。

皇帝釋奠於

先師禮畢。乘輿

御齋倫堂。更袞服。各官咸更蟒袍補服。王公大學士以下各官行。聖公率五經博士各氏。後齋祭酒司業率所屬官及肄業諸生。各學教習進士舉人貢生。監生官學生均先至。

辟雍南。分東西班序立。

起居注官侍儀給事中御史各按位立。屆時禮部堂官奏請

皇帝御辟雍行講學禮。太學鳴鐘鼓。禮部堂官恭導

次定禮部則例

卷二十六

儀制清吏司

七

前引後扈如儀

皇帝御辟雍殿陞

寶座中和韶樂作奏盛平之章對引禮部堂官前引
內大臣趨至前廊下立侍衛於階下東西翼立
樂止鳴贊官贊齊班丹陞大樂作鴻臚寺官分
引衍聖公進講大學士五經博士各氏後裔在
東班祭酒以下各官在西班肄業諸生各隨東
西班末聽鳴贊官贊行二跪六叩禮畢退復原
位立樂止鴻臚寺堂官二員分引進講官四人

由南橋升階鴻臚寺官二員分引王公衍聖公
大學士九卿詹事由東西橋升階俱入左右門
各就位立鴻臚寺堂官退就東西檐下立
皇帝賜派出之講官坐講官就位一叩坐王公大臣
咸按班立鳴贊官贊進講進講之滿洲大學士
漢大學士以次講四書

皇帝闡發書義宣示臣工王公衍聖公大學士以下
及諸生跪聆畢王公等及園橋各官師生俱興
滿洲祭酒漢祭酒以次講經

皇帝闡發經義各官及諸生跪聆亦如之畢。王公及各官師生俱興。進講官退就橋南。偕司業以下各就拜位北面立。丹陛大樂作。鳴贊官贊跪叩。興行三跪九叩禮。以次退。樂止。進講之滿洲大學士祭酒。漢大學士祭酒。仍由左右門入。就位立。國子監司業以下及各官師生俱先至成賢街序立。祇候。

御前進茶。丹陛清樂作。

皇帝賜進講各官及王公。衍聖公。大學士。九卿。詹事。

茶俱行一跪一叩禮坐。

賜茶畢。樂止。鴻臚寺堂官引王公大學士以下各官。

自左右門出。至橋南東西序立。禮部堂官奏禮成。中和韶樂作。奏道平之章。

皇帝起座乘輿出太學門。樂止。祭酒司業率所屬官暨進士舉人諸生跪送候。

駕過興各官咸退。○次日。衍聖公率五經博士各氏後裔。國子監祭酒率所屬官。恭進謝。

恩表。文都察院派監禮御史二員。工部官備黃長案。

黃緞桌套。鴻臚寺設黃案於

午門外正中。是日黎明。衍聖公國子監祭酒各親捧表文。鴻臚寺官引進

東長安門至

午門外黃案前跪置表於黃案上。行三跪九叩禮。復班聽贊。衍聖公率五經博士各氏後裔。國子監祭酒率所屬官及進士舉人諸生。行三跪九叩禮。畢。禮部官將表文送內閣收貯。

欽定禮部則例卷二十七

儀制清吏司

臨幸翰林院

一恭遇

皇帝臨幸翰林院

旨下行知各該衙門。

一恭逢

臨幸之期。由部劄行欽天監選擇吉時送部。具摺奏聞。

一奉

旨派出分韻賦詩之王大臣官員等行知翰林院及派出各該衙門

一

臨幸儀注禮部會同樂部先期進

呈

旨下行知翰林院及各該衙門

一應行

賜酒之王以下侍郎以上由部咨行宗人府內閣吏

戶兵刑工五部都察院將應入宴之親王郡王

大學士學士尚書侍郎左都御史銜名開送過

部奏請

欽派得

旨行知翰林院及各該衙門

一

御前進爵大臣禮部將

派出入宴之王大臣銜名繕寫清單奏請

欽派一員進爵得

旨。行知翰林院及各該衙門。

一翰林院韓愈祠。應

遣官致祭。由禮部行文翰林院開送侍讀學士侍講

學士銜名繕寫清單奏請

欽派一員得

旨。行知翰林院及太常寺

一前引大臣及各處關防侍衛均由禮部行知

領侍衛內大臣自行辦理

一行知

景運門護軍統領。至期黎明豫啟

各門。並知照內務府先期灑掃。

一

聖駕經臨道路。由部行知步軍統領先期打掃潔淨。

一劄行欽天監派員備帶時辰香。赴

乾清門翰林院二處豫備。並先將職名報部。

一茶酒宴桌。由部行茶膳房豫備。

儀注

是日儀仗全設。樂部設中和韶樂於翰林院後

堂東西廊下設中和清樂於東廊下設丹陛大樂於敬一門兩旁俱北向屆時禮部堂官奏請皇帝具龍袍袞服乘輿出宮。

午門鳴鐘王公文武大臣官員咸蟒袍補服於午門內外跪迎。

皇帝出長安左門王大臣及翰林出身大臣官員咸蟒袍補服於道旁跪迎。

駕至翰林院前引大臣恭導。

皇帝至穿堂降輿禮部堂官恭導。

皇帝詣

至聖先師祠行二跪六拜禮畢引

駕至清祕堂少憩豫設

皇帝御宴桌於

寶座前稍遠設王大臣等桌席於兩旁設各官桌席於左右階下王大臣官員各先就坐位立掌院學士奏請

皇帝陞座中和韶樂作奏隆平之章王大臣官員俱於坐位跪接。

皇帝陞座。樂止。丹陛大樂作。奏慶平之章。王大臣官員各於坐位行三叩頭禮畢。樂止。王大臣暨各官俱於坐次行一叩頭禮。坐。茶房總領帶領茶桌進。丹陛清樂作。奏文物京華盛之章。

皇帝進茶。王大臣暨各官俱就坐次行一叩頭禮。坐。樂止。侍衛等捧授王大臣暨各官茶。王大臣暨各官俱就坐次一叩頭。飲畢。復一叩頭。坐。

賜茶畢。膳房總領移

御膳桌近前。中和清樂作。奏玉署延英之章。

皇帝進饌。樂止。承應上。膳房總領等以饌分授各筵。呈技畢。膳房總領等徹。

御前宴桌。及王大臣並各官桌席。膳房總領等進御酒宴桌。及王大臣並各官酒席桌。掌儀司官捧臺盞壺。由中墀進。丹陛清樂作。奏延閣雲濃之章。王大臣及各官俱起立。掌儀司官進至廊下東邊西向立。酌酒。進爵大臣出班。釋補服。在中門內跪。王大臣暨各官俱跪。掌儀司官捧臺盞跪。恭授進爵大臣。進爵大臣接捧臺盞。恭進

御前仍復原跪處跪。

皇帝進酒。進爵大臣行一叩頭禮。王大臣暨各官俱行一叩頭禮。進爵大臣起。至

御前接臺盞。退至原跪處跪。掌儀司官跪接臺盞。退。王大臣暨各官起立。掌儀司官以金卮酌酒。立。賜進爵大臣。進爵大臣行一叩頭禮。飲畢。掌儀司官立。接卮退。進爵大臣行一叩頭禮。興退。服補服。就原位。樂止。王大臣及各官皆坐承應上。領侍衛內大臣。視侍衛等分授宴上。諸王大臣及各

官酒。王大臣及各官跪。一叩頭。受酒。飲畢。復一叩頭。

御前侍衛捧酒進。派出

賜酒之王大臣各出位。依次詣

御座旁跪。受酒。一叩頭。飲畢。復一叩頭。依次復位。一叩頭。坐。承應畢。鴻臚寺堂官奏禮成。王大臣及各官均起立。於坐位行一跪三叩頭禮。謝宴。丹陛大樂作。奏慶平之章。王大臣及各官於坐位

跪樂止中和韶樂作奏顯平之章禮部堂官恭導

皇帝至清祕堂少憩王大臣及各官先於翰林院門

外排班掌院學士奏請

駕出王大臣及各官跪送

是日執事各官俱穿蟒袍補服翼日入宴

之大王臣官員具摺恭赴

乾清門外謝

恩行三跪九叩頭禮

欽定禮部則例卷二十八

儀制清吏司

巡幸

一恭遇

皇帝省方觀民。

特舉時巡盛典。

旨下。行該省督撫及經過地方官。敬謹備辦。既諏吉

王公暨內閣部院府寺各衙門。奏

派扈

欽定禮部則例

卷二十七

儀制清吏司

一

駕大臣官員先期一日

遣官以

巡狩祇告

奉先殿至日

鑾輿啟行內閣學士率中書恭奉

御寶以從部院有執事者攜

行在印備用不隨

駕之王公文職京堂以上武職副都統以上暨

內廷行走

起居注翰林科道等官咸蟒袍補服跪送

一

清蹕經臨加

恩賞賚各事宜由各該衙門奉

旨遵行

謹按嘉慶十六年奉 上諭此次巡幸五

臺經過直隸各州縣著該督查明男婦年七十以上者照從前恩詔之例分別賞賚以示優卹高年至意

一

巡幸所經有秩祀處所隨

駕堂官由部奏

欽定禮部則例

卷二十八

儀制清吏司

二

派如無秩祀處所開列堂銜送吏部奏派。

一

鑾輿經過地方應接

駕官員由鴻臚寺先期具奏里數請

旨將軍總督巡撫提鎮及文武各官咸朝服率紳士耆民於

御道右百步外跪迎跪送

舊例官員接駕由鴻臚寺先期傳示臨時帶領跪接至駐蹕後復奏聞帶領行禮俱赴鴻臚寺投遞職名謹按乾隆十六年奉

上諭朕入疆考績地方大吏俱不時召見卽州縣各官承辦差務者業於路旁跪接其帶領行禮者非廢員卽武弁教職充數之人而鴻臚寺官先期傳示不免滋擾嗣後祇令在京奏請里數得旨行知一切繁文著停止

一

御道所經名山大川及古聖先賢名臣忠烈祠墓

在三十里內者奏請

遣官致祭詳祠祭司

一將至

巡幸之方望祭

嶽

瀆及祭古昔

帝王功德隆重者祭

先聖先師皆

親詣行禮。境內山川先賢名臣忠烈祠墓。

遣官行禮。均先期查明具奏請

旨。詳祠祭司。

一

駕詣闕里講書。先期將應行事宜具奏。臨期恭進儀

注。并知會官員人等。先行習儀。均如

臨雍之例辦理。其

御案。

勅案。講案。桌套。黃幌。

御座。並鋪墊等項。交山東巡撫。衍聖公豫備。

勅諭。講章。交翰林院撰擬進

呈宣。

勅諭官。於隨

駕大學士內奏

派。

一直講官。以十一氏子弟充。先期於隨

駕大臣內奏

派二員。會同衍聖公選擇。屆期進講。其十一氏後裔。

凡聽講者。令衍聖公查明人數。造冊送部。

謹按乾隆

十六年。

東巡。御詩禮堂講書。

恩

賜衍聖公蟒衣狐裘貂裘各一襲。表裏各五端。

御製樂善堂文集

御製日知薈

說。十三經。二十一史。明史。唐宋文醇。各一部。曲

早縣知縣。五經博士。各蟒緞一。大緞一。

御製日知薈說。朱子全書。各一部。十一氏子孫

在仕籍者。各蟒緞一。大緞一。進士

舉人。各緞二。貢監生員各緞一。

一陳詩獻賦之士。奉

特旨召試者。行該省督撫及學政欽遵辦理。並請

派監試大臣。及侍衛護軍等。巡視稽察。屆期由該學

政等恭請

欽命試題。收卷進

呈。其豫備供給等項。交各該督撫辦理。

一進獻詩賦士子。內而京堂翰詹科道軍機章

京。外而督撫藩臬及道府以上之親子姪兄弟。

俱不准與試。仍准其進冊。其業經病故離任緣

事在籍及其餘京外各官之親子姪兄弟俱准

與考

謹按乾隆五十三年議准生內有父兄及期親服屬曾登仕版者概

召試諸

行扣除。○嘉慶十六年奉

上諭周系英奏

辦理召試章程請旨遵行一摺向來迎鑾士子

加恩召試雖經辦有成案但未明定章程辦理

未能畫一自應以其父兄官職之大小為子弟

應試之限制此次朕巡幸五臺所有應行召試

士子京官除現任京堂及翰詹科道軍機章京

外官除督撫藩臬及道府以上之親子姪兄弟

俱著迴避無庸與試仍准其進冊其業經病故

離任緣事在籍及其餘京外各官之親子姪兄

弟俱准與考嗣後巡幸各省設有召試之典即

照此

一進獻詩賦士子內有書識

賞給舉人及由俊秀報捐貢監者俱不准其與考

一恭應

召試諸生該學政詳加確覈毋令混冒其需用試卷

按照人數慎密鈐印不許吏胥私行多備并照

恩旨鄉會試之例不准換卷至取入一等者拆開彌

封後交軍機大臣公同監看本生當面覈對文

理筆跡如有不符即奏明扣除究辦

一考試後恭奉

恩旨或

欽賜中書舉人或

賞給緞疋或充當膳錄行吏口

一 刑究

聖駕巡幸省分奉

恩旨增廣本年學額行該學政遵照詳增廣學額卷

一 無人

聖駕回鑾守土官於所治城外蟒袍跪送在京平公

文武各官出郊蟒袍跪迎。

駕還官次日。

遣官祇告

奉先殿均如初儀

欽定禮部則例卷二十九

儀制清吏司

表箋

一恭遇

傳位

登極在京王公百官在外直省將軍提鎮等官及朝

鮮國王恭進

太上皇帝傳位表文

嗣皇帝登極表文

一恭遇元旦令節冬至令節暨上

尊號

徽號

冊立諸大慶典在京王公百官在外直省將軍提鎮等官及朝鮮國王恭進

太上皇帝

皇太后

皇帝表文如恭遇

太上皇帝萬壽惟進

太上皇帝表文

皇太后萬壽進

皇太后表文

皇帝萬壽進

皇帝表文

皇后千秋停止箋賀

詳載三大節卷謹按乾隆六十年大學士公阿桂等奏准。

皇太子移居

毓慶宮日及

皇太子生辰

王公大臣俱穿蟒袍補服咸集致賀毋庸具箋

其外省督撫提鎮俱不必箋賀。

一元旦冬至令節

太上皇帝萬壽。

皇太后萬壽聖節及諸大慶典。

皇帝具表慶賀。

太上皇帝

皇太后表文由內閣撰擬屆期內閣大學士恭進禮部

尚書一員導引。

一在京王公百官慶賀表箋色俱紅內加黃籤面頁用黃綾各省將軍提鎮等表文色黃箋文色紅內不加籤每副六行行二十字式均同各

撫慶賀用本章如表箋色由通政司衙門承辦。

一王公百官應進表箋內閣撰擬首列親王銜名由部豫行宗人府取送內閣書寫應用秩匣

行工部備造。進表事宜詳載三大節卷。

一將軍都統提督副都統總兵官應進表箋內閣撰擬定式交部頒發由各該督撫彙齊送部

屆期陳設恭送內閣如將軍等或有因事未及恭進者該督撫咨內聲明於下次進表箋時補

送。舊例外省文官臬司以上武官副將以上例得隨進表箋稱賀謹按乾隆十八年奉

旨藩司副將既不得專達疏章其附進表箋著行停止。

一凡駐防各省無印信之副都統恭進慶賀表箋俱於同城將軍都統表文年月之後聯列銜名其頭銜封套等處止於首列銜名之下加一

等字

謹按乾隆四十五年黑龍江將軍宗室永瑋條奏東三省所進表文改用清字經禮

部議准並各省凡有滿洲駐防處所應進表文俱用清文內閣撰擬定式交部頒發以昭畫一。

一朝鮮國應進表箋內閣撰擬定式交部頒發其每年應進表狀歲杪送部至日堂中設案一將表狀供設使臣行一跪三叩禮恭奉表狀呈

禮部堂官禮部堂官朝服接受次日奏明交內閣繙譯具題

旨下交送內閣其餘外國貢表接受儀注奏交並同如表由督撫代進者提塘官送到時亦於次日奏明送閣

一直省慶賀表箋按節於總督衙門彙齊無總督之省由巡撫彙齊通省統用火牌專差齎送元旦令節以每年十二月十五日為始至二十五日為止

萬壽聖節。以十月初一日為始。一律遞到。毋得過於

遲早。謹按嘉慶十年十二月奉 上諭本年正月朔日。因蘊端多爾濟等奏到慶賀元旦之摺。當經降旨。通諭外省及新疆各等處。呈遞慶賀元旦之摺。總於十二月初十日以後。二十五日以前遞到。原以各該地方距京道里遠近不一。或尚有由驛馳奏者。恐到京先後紛歧。是以定限半月為期。甚屬從容。各該大員發摺時。自當計筭程途。屆時陸續奏到。乃本日早間。即據汪日章差人遞到恭賀元旦之摺。實屬過早。試思此時距除夕尚有兩旬。該撫豈竟無一應奏事件。何必亟亟以慶賀摺函。早行齎遞。汪日章曾在軍機章京上行走有年。何拘泥不曉。事若此。汪日章著傳旨申飭。仍著交部察議。嗣後各省及新疆等處。陳奏慶賀元旦之摺。著展期以十二月十五日為始。至二十五日為止。一律遞到。毋得過於遲早。致涉參差。○十二年九

月奉 旨。外省將軍督撫提鎮。鹽政織造關差等。恭進萬壽賀摺。應俟萬壽期近。方行呈遞。乃本日即有五處呈遞賀摺者。此時屆萬壽節。尚有旬餘。似此率行呈遞。殊非誠敬之道。嗣後呈遞萬壽賀摺。著以十月初一日為始。若十月初一日以前。外省摺差有專為呈遞賀摺來者。奏事官員不准接受。如係奏事之摺。仍照常接遞。

一奉天府尹慶賀表文交與

盛京將軍一併齎送。

一凡應進慶賀表章。如遇印信遵封之時。不能具奏。於開印日補進。

一各省表箋。如於途次旅寓。或有疎失。移咨該

督撫查辦。並令該省將應進表箋。於下次補行齋送。仍知會內閣。

一慶賀表箋。訛書遺漏。顛倒違式。交部議處。其表箋發還。令照式再繕補進。

欽定禮部則例卷三十

儀制清吏司

進春

一每歲立春日。禮部會同順天府進春。前期六月行順天府。敬備春山寶座。芒神土牛。進

呈

皇帝

皇后。立春前一月由順天府具題。

旨下。行順天府欽遵辦理。

謹按乾隆元年至四十二年。皇太后官嘉慶

元年至四年。

太上皇帝

前均恭進春山寶座。芒神土牛。

一立春期近。禮部將恭進時刻。會同順天府具

奏。若立春在暮夜。或在子丑以前。午未以後等

時。劉欽天監擇質明後時刻進春。一併奏

聞得

旨。知會各該衙門。

一立春日如遇

駕駐圓明園。順天府敬備春山寶座。仍在

內廷恭進。其春圖由順天府尹赴

圓明園恭進。

一立春前一日迎春。應穿朝服。如適值素服之

期。禮部先期奏請改於某日迎春。

旨下交順天府遵照辦理。

謹按乾隆四十一年十二月二十六日立春。前一日

恭遇

孝莊文皇后忌辰。奏改於二十四

日迎春。

○嘉慶十八年正月初四日立春。前一

日恭遇

高宗純皇帝

忌辰。奏改於初二日迎春。

一行順天府。選漢生員六十名。昇案。行欽天監

派滿洲蒙古漢軍天文生八名。導引均造名冊

送部備查。

一行欽天監派官豫備時辰香在

宮門外候時。行內務府及護軍統領屆期開所過

各中門。行內務府豫派內監接昇入

官。並將上次春山等項捧出。禮部派滿洲司官漢

司官各二員筆帖式八員前引。屆時禮部堂官

會同順天府府尹。府丞朝服恭進。謹按乾隆十

月二十五日立春。係值素服。一年奏十二

之期。禮部進春俱穿常服。

儀注 立春前一日。順天府官。豫設春山寶座芒神土

牛各案於禮部。屆日各官俱朝服。生員俱頂戴

公服。自部昇案。天文生導引由

東長安門

天安門

端門各中門入至

午門前大興宛平二縣令設案於

午門外正中恭進

皇帝

皇后春山寶座芒神土牛。各陳於案。禮部堂官及順

天府府尹府丞率屬畢會。欽天監候時官報屆時。生員昇案。禮部官前引。禮部堂官順天府尹暨府丞後隨。由

午門中門入

昭德門至

後左門外止陳設畢。內監接昇。禮部官前引。禮部堂官及順天府府尹府丞從至

乾清門各官止立。內監昇入

乾清宮。內務府官恭候將上次春山等捧出。謹按乾隆

四十二年以前皇太后宮進呈春山等物。由熙和門永康左門各中門至

慈寧門。敬謹陳設畢。內監昇入寧宮。各退。內務府官將上次春山等捧出。慈直省

迎春。設芒神土牛於東郊。屆日設案於芒神土

牛前。案前布拜席。府州縣正官率僚屬咸朝服

詣東郊。時至。通贊贊行禮。贊跪叩。與衆行一跪

三叩禮。執事者舉壺爵。跪於正官之左。正官受

爵酌酒。酌酒三。復行三叩禮。衆隨行禮。與乃昇

芒神土牛。鼓樂前導。各官後從。迎入城。置於公

所。各退。

欽定禮部則例卷三十一

儀制清吏司

皇帝冠服

皇帝冬朝冠薰貂爲之十一月朔至上元用黑狐上
 綴朱緯頂三層貫東珠各一皆承以金龍各四
 飾東珠如其數上銜大珍珠一夏朝冠織玉草
 或藤竹絲爲之緣石青片金二層上綴朱緯前
 綴金佛飾東珠十五後綴舍林飾東珠七頂如
 冬朝冠端罩紫貂爲之明黃緞裏左右垂帶各

二下廣而銳色與裏同十一月朔至上元用黑
狐裘服色用石青繡五爪正面金龍四團兩肩
前後各一其章左日右月前後萬壽篆文間以
五色雲朝服色用明黃惟

南郊

祈穀

雩祭用藍。

朝日用絳

夕月用月白其制披領及袖皆石青冬用片金加海

龍緣夏用片金緣繡文兩肩前後正龍各一腰
帷行龍五衽正龍一襜積前後團龍各九裳正
龍二行龍四披領行龍二袖端正龍各一列十
二章日月星辰山龍華蟲繡蔽在衣宗彝藻火
粉米在裳間以五色雲下幅八寶平水十一月
朔至上元用緣貂朝服其制披領及裳皆表以
紫貂袖端薰貂繡文兩肩前後正龍各一襜積
行龍六列十二章均在衣間以五色雲朝珠用
東珠一百有八佛頭記念背雲大小墜珍寶雜

飾各惟其宜惟祀

天以青金石為飾祀

地球用琥珀。

朝日用珊瑚。

夕月用綠松石雜飾惟宜。繚皆明黃色。朝帶之制二。

皆明黃色。其一。龍文金圓版四。飾紅寶石。或藍

寶石。及綠松石。每具銜東珠五。圍珍珠二十。左

右佩帔淺藍及白各一。下廣而銳。中約鏤金圓

結。飾寶如版。圍珠各三十。佩囊文繡。燧鴈刀削

結佩惟宜。繚皆明黃色。其二。龍文金方版四。其

飾祀

天用青金石祀

地用黃玉

朝日用珊瑚。

夕月用白玉。每具銜東珠五。佩帔及繚。惟

圓丘用純青。餘如圓版朝帶之制。中約圓結。如版飾銜

東珠各四。佩囊純石青。左鱗右削。並從版色。吉

服冠頂滿花金座。上銜大珍珠一。龍袍色用明

黃領袖皆石青片金緣繡文金龍九列十二章間以五色雲領前後正龍各一左右及交襟處行龍各一袖端正龍各一下幅八寶立水裾左右開吉服朝珠珍寶隨所御吉服帶用明黃色鏤金版四方圓惟便銜以珠玉雜寶惟宜左右佩帨純白下直而齊中約金結如版飾餘如朝帶常服冠紅絨結頂常服褂色用石青花文隨所御常服袍色及花文隨所御裾左右開常服帶如吉服。雨冠雨衣雨裳之制皆用明黃色

璫及羽緞油綢惟其時

大內冠服

皇太后

皇后冬朝冠薰貂爲之上綴朱縵頂三層貫東珠各一皆承以金鳳飾東珠各三珍珠各十七上銜大東珠一朱縵上週綴金鳳七飾東珠各九貓睛石各一珍珠各二十一後金翟一飾貓睛石一珍珠十六翟尾垂珠凡珍珠三百有二五行二就每行大珍珠一中間金銜青金石結一飾

東珠珍珠各六。末綴珊瑚。冠後護領垂明黃縹。二末綴寶石。青緞爲帶。夏朝冠青絨爲之。餘皆如冬朝冠。金約鏤金雲十三。飾東珠各一。間以青金石。紅片金裏。後繫金銜綠松石結。貫珠下垂。凡珍珠三百二十四。五行三就。每行大珍珠一。中間金銜青金石結二。每具飾東珠珍珠各八。末綴珊瑚耳飾。左右各三。每具金龍銜一等東珠各二。朝褂之制三。皆石青色。片金緣其一。繡文前後立龍各二。下通襞積。四層相間。上爲

正龍各四。下爲萬福萬壽。其二。繡文前後正龍各一。腰帷行龍四。中有襞積。下幅行龍八。其三。繡文前後立龍各二。中無襞積。下幅八寶平水。領後皆垂明黃縹。其飾珠寶惟宜。朝袍之制三。皆明黃色。其一。披領及袖。皆石青。片金加貂緣。肩上下襲朝褂處亦加緣。繡文金龍九。間以五色雲。中襞積。下幅八寶平水。披領行龍二。袖端正龍各一。袖相接處。行龍各二。其二。披領及袖。皆石青。冬用片金加海龍緣。夏用片金緣。肩上

下襲朝褂處亦加緣繡文前後正龍各一。兩肩行龍各一。腰帷行龍四。中有襞積下幅行龍八。其三領袖片金加海龍緣。夏片金緣。中無襞積。裾後開餘俱如貂緣朝袍之制。領後垂明黃絲飾珠寶。惟宜領約鏤金爲之。飾東珠十一。間以珊瑚。兩端垂明黃絲二。中各貫珊瑚。末綴綠松石各二。朝珠三盤。東珠一。珊瑚二。佛頭記念。背雲大小墜。珠寶雜飾。惟宜絲皆明黃色。綵悅綠色。繡文爲五穀豐登。佩箴管繫裘之屬。絲皆明黃色。冬朝裙片金加海龍緣。上用紅織金壽字緞。下石青行龍。綉緞皆正幅。有襞積。夏朝裙片金絲緞。紗各惟其時。吉服冠頂用東珠。龍褂之制二。皆石青色。其一繡文五爪金龍八團。兩肩前後正龍各一。襟行龍四。下幅八寶立水。袖端行龍各二。其二制如之。下幅及袖端不施章采。龍袍之制三。色用明黃。領袖皆石青。其一繡文金龍九。間以五色雲。福壽文采。惟宜。下幅八寶立水。領前後正龍各一。左右及交襟處行龍各

一。袖如朝袍。裾左右開。其二。繡文五爪金龍八
圍。兩肩前後。正龍各一。襟行龍四。下幅八寶立
小領袖及裾。均如前制。其三制如之。下幅不施
卓采。吉服朝珠一盤。珍寶隨所御。絛皆明黃色
皇貴妃朝冠。頂三層。貫東珠各一。皆承以金鳳。飾
木珠各三。珍珠各十七。上銜大珍珠一。朱緯上
綴金鳳七。飾東珠各九。珍珠各二十一。後金
一。飾貓睛石一。珍珠十六。翟尾垂珠。凡珍珠
百九十二。三行二就。中間金銜青金石結一。

飾東珠珍珠各四。末綴珊瑚。冠後護領。垂明黃
絛二。末綴寶石。青緞爲帶。金約鏤金雲十二。飾
東珠各一。間以珊瑚。紅片金裏後繫金銜綠松
石結。貫珠下垂。凡珍珠二百有四。三行三就。中
間金銜青金石結二。每具飾東珠珍珠各六。末
綴珊瑚耳飾左右各三。每具金龍銜二等東珠
各二。領約鏤金爲之。飾東珠七。間以珊瑚。兩端
垂明黃絛二。中各貫珊瑚。末綴珊瑚各二。朝珠
三盤。蜜珀一。珊瑚二。餘如

皇后龍褂色用石青。繡文五爪金龍八團。兩肩前後正龍各一。襟行龍四。下幅八寶立水。袖端行龍各二。龍袍色用明黃。領袖皆石青。繡文金龍九間。以五色雲福壽文采。惟宜下幅八寶立水。領前後正龍各一。左右及交襟處行龍各一。袖如朝袍。裾左右開。吉服朝珠一盤。綠明黃色。餘皆如

皇后。

貴妃冠服垂絲皆金黃色。袍色亦用金黃。餘皆如

皇貴妃

妃朝冠頂二層。貫東珠各一。皆承以金鳳。飾東珠共九。珍珠各十七。上銜貓睛石。朱緯上週綴金鳳五節。東珠各七。珍珠各二十一。後金翟一。飾貓睛石一。珍珠十六。翟尾垂珠。凡珍珠一百八十八。三行二就。中間金銜青金石結一。飾東珠珍珠各四。末綴珊瑚。冠後護領垂金黃絲二。末綴寶石。青緞爲帶。金約鏤金雲十一。飾東珠各一。間以青金石。紅片金裏。後繫金銜綠松石結

貫珠下垂凡珍珠一百九十七。三行三就。中間金銜青金石結二。每具飾東珠珍珠各六。末綴珊瑚耳飾左右各三。每具金龍銜三等東珠各二。綵帨繡文爲雲芝瑞草。吉服冠頂用碧璽。餘皆如

貴妃。

嬪朝冠頂二層。貫東珠各一。皆承以金翟。飾東珠共九。珍珠各十七。上銜礮子。朱緯上週綴金翟五。飾東珠各五。珍珠各十九。後金翟一。飾珍珠

十六。翟尾垂珠。凡珍珠一百七十二。三行二就。中間金銜青金石結一。飾東珠珍珠各三。末綴珊瑚冠後護領。垂金黃絲二。末綴寶石。青緞爲帶。金約鏤金雲八。飾東珠各一。間以青金石。紅片金裏。後繫金銜綠松石結。貫珠下垂。凡珍珠一百七十七。三行二就。中間金銜青金石結二。每具飾東珠珍珠各四。末綴珊瑚耳飾左右各三。每具金龍銜四等東珠各二。朝珠三盤珊瑚一。蜜珀二。綵帨不繡花文龍褂。繡文兩肩前後

正龍各一。襟夔龍四。袍皆用香色。餘皆如
如。

皇子冠服

皇子冬朝冠薰貂爲之十一月朔至上元用青
狐頂金龍二層飾東珠十上銜紅寶石夏朝冠
前綴舍利飾東珠五後綴金花飾東珠四頂如
冬朝冠端罩紫貂爲之金黃緞裏左右垂帶各
二下廣而銳色與裏同龍襪色用石青繡五爪
正面金龍四團兩肩前後各一間以五色雲朝

服之制二皆金黃色其一披領及裳皆表以紫
貂袖端薰貂繡文兩肩前後正龍各一襕積行
龍六間以五色雲其二披領及袖皆石青冬用
片金加海龍緣夏用片金緣繡文兩肩前後正
龍各一腰帷行龍四裳行龍八披領行龍二袖
端正龍各一中有襕積下幅八寶平水朝珠不
得用東珠餘隨所用繚皆金黃色朝帶色用金
黃金銜玉方版四每具飾東珠四中飾貓睛石
一左右佩繚如帶色吉服冠紅絨結頂蟒袍色

用金黃片金緣繡文通九蟒裾左右開吉服帶色用金黃版飾惟宜佩絲如帶色○雨冠雨衣雨裳之制均用紅色壇及羽紗油綢惟其時。

皇子福晉冠服

皇子福晉朝冠頂鏤金三層飾東珠十上銜紅寶石朱緯上週綴金孔雀五飾東珠各七小珍珠三十九後金孔雀一垂珠三行二就中間金銜青金石結一飾東珠各三末綴珊瑚冠後護領垂金黃絲二末亦綴珊瑚青緞爲帶金約鏤

金雲九飾東珠各一。間以青金石紅片金裏。後繫金銜青金石結貫珠下垂。二行三就中間金銜青金石結二。每具飾東珠珍珠各四。末綴珊瑚耳飾左右各三。每具金雲銜珠各二。朝褂色用石青片金緣繡文。前行龍四。後行龍三。領後垂金黃絲雜飾惟宜。朝袍用香色。披領及袖皆石青。冬用片金加海龍緣。夏用片金緣。肩上下襲朝褂處亦加緣繡文。前後正龍各一。兩肩行龍各一。襟行龍四。披領行龍二。袖端正龍各一。

袖相接處行龍各二。裾後開領後垂金黃縹雜飾惟宜領約鏤金爲之飾東珠七間以珊瑚兩端垂金黃縹二。中各貫珊瑚末綴珊瑚各二。朝珠三盤珊瑚一。蜜珀二。縹皆金黃色。綵悅月白色。不繡花文。結佩惟宜。縹皆金黃色。冬朝裙片金加海龍緣。上用紅緞。下石青行龍糙緞。皆正幅有襞積夏朝裙片金緣緞紗各惟其時。吉服冠頂用紅寶石。吉服褂色用石青繡五爪正龍四團前後兩肩各一。蟒袍用香色通繡九龍。吉服朝珠一盤縹金黃色。

欽定禮部則例卷三十二

儀制清吏司

親王以下凡品官冠服

一親王端罩青狐為之月白緞裏若

賜金黃色者亦得用之補服色用石青繡五爪金龍
四團前後正龍兩肩行龍朝服蟒袍藍及石青
諸色隨所用若

賜金黃色者亦得用之吉服冠頂用紅寶石若

賜紅絨結頂者亦得用之坐褥冬用純貂皮夏用五

爪龍紅緞襯紅白瓊餘皆如

皇子

一親王世子朝冠頂金龍二層飾東珠九上銜紅寶石朝帶金銜玉方版四每具飾東珠三坐褥冬用狔狔狔絲貂皮夏用四爪蟒文藍緞餘如親王

一郡王朝冠頂金龍二層飾東珠八上銜紅寶石夏朝冠前綴舍利飾東珠四後綴金花飾東珠三補服繡五爪行龍四團兩肩前後各一朝帶金銜玉方版四每具飾東珠二貓睛石一餘皆如親王世子

一貝勒朝冠頂金龍二層飾東珠七上銜紅寶石夏朝冠前綴舍利飾東珠三後綴金花飾東珠二補服前後繡四爪正蟒各一團朝服蟒袍均不得用金黃色餘隨所用朝服之制如郡王通繡蟒文皆四爪蟒袍如之朝帶金銜方玉版四每具飾東珠二佩絛皆用石青色坐褥冬用狔狔狔皮夏用藍絛花緞餘如郡王

一貝子朝冠頂金龍二層飾東珠六上銜紅寶石戴三眼孔雀翎夏朝冠前綴舍利飾東珠二後綴金花飾東珠一補服前後繡四爪行蟒各一團朝帶金銜玉方版四每具飾東珠一吉服冠頂用紅寶石戴三眼孔雀翎坐褥冬用白豹皮夏用藍緞緣以莊緞餘皆如貝勒

一鎮國公朝冠頂金龍二層飾東珠五上銜紅寶石戴雙眼孔雀翎夏朝冠前綴舍利飾東珠一後綴金花飾綠松石一端罩紫貂爲之月白

緞裏補服前後繡四爪正蟒方補朝帶金銜玉方版四每具飾貓睛石一吉服冠入八分公頂用紅寶石未入八分公用珊瑚均戴雙眼孔雀翎坐褥冬用紅豹皮夏用紅閃緞襯紅氈餘皆如貝子

一輔國公朝冠頂金龍二層飾東珠四上銜紅寶石戴雙眼孔雀翎坐褥冬用紅豹皮去首尾夏用青閃緞餘皆如鎮國公

一鎮國將軍朝冠頂鏤花金座中飾東珠一上

銜紅寶石。補服前後繡麒麟。吉服冠頂用珊瑚。餘皆視一品。輔國將軍朝冠頂鏤花金座。中飾小紅寶石一。上銜鏤花珊瑚。補服前後繡獅。吉服冠頂用鏤花珊瑚。餘皆視二品。奉國將軍朝冠頂鏤花金座。中飾小紅寶石一。上銜藍寶石。補服前後繡豹。吉服冠頂用藍寶石。餘皆視三品。奉恩將軍朝冠頂鏤花金座。中飾小藍寶石一。上銜青金石。補服前後繡虎。吉服冠頂用青金石。餘皆視四品。惟衣裾四啟帶用金黃色。餘皆同。

凡宗室衣裾皆四啟帶皆用金黃色。

一固倫額駙冠服視貝子。頂用紅寶石。戴三眼孔雀翎帶。用金黃色。和碩額駙冠服視鎮國公。頂用珊瑚。戴雙眼孔雀翎。惟朝帶色用石青。或藍。金銜玉圓版四。吉服帶色用石青。或藍。餘皆同。

一郡主額駙冠服視武一品。惟朝帶用鏤金銜玉圓版四。每具飾綠松石一。坐褥。冬用虎皮。去首尾。夏用藍緞。襯紅瓊。縣主額駙冠服視武二

品惟坐褥冬用獾皮夏用青布緣紅布襯紅瓊
 郡君額駙冠服視武三品惟坐褥冬用貉皮夏
 用青布襯紅瓊縣君額駙冠服視武四品惟朝
 帶用鈹金方鐵版四坐褥冬用青羊皮夏用皂
 布襯紅瓊鄉君額駙冠服視武五品惟朝帶用
 鈹金方鐵版四坐褥冬用青羊皮夏用藍布襯
 白瓊餘皆同

一固倫額駙若爵在貝子以上和碩額駙爵在
 鎮國公以上冠服各從其品郡主額駙以下皆
 如之

一民公冬朝冠薰貂爲之十一月朔至上元用
 青狐頂鏤花金座中飾東珠四上銜紅寶石端
 罩貂皮爲之藍緞裏補服色用石青前後繡四
 爪正蟒朝服藍及石青諸色隨所用其制披領
 及袖皆石青冬用片金加海龍緣夏用片金緣
 兩肩前後正蟒各一腰帷行蟒四中有襞積裳
 行蟒八緣貂朝服之制披領及裳俱表以紫貂
 袖端薰貂兩肩前後正蟒各一襞積行蟒四皆

四爪會

賜五爪蟒緞者亦得用之朝珠珊瑚青金綠松蜜珀
隨所用雜飾惟宜繚用石青色朝帶色用石青
或藍鏤金銜玉圓版四每具飾貓睛石一佩帔
下廣而銳吉服冠頂用珊瑚蟒袍藍及石青諸
色隨所用通繡九蟒吉服帶佩帔下直而齊版
飾及佩惟宜雨冠雨衣及裳均用紅色坐褥冬
用全虎皮夏用青閃緞襯紅氈。

一侯朝冠頂鏤花金座中飾東珠三上銜紅寶
石朝帶鏤金銜玉圓版四每具飾綠松石一坐
褥冬用虎皮去首尾夏用青色綠花閃緞餘皆
如公。

一伯朝冠頂鏤花金座中飾東珠二上銜紅寶
石朝帶鏤金銜玉圓版四每具飾紅寶石一坐
褥冬用虎皮去首尾夏用藍雲緞餘皆如侯
一子朝冠頂鏤花金座中飾東珠一上銜紅寶
石補服前後繡麒麟吉服冠頂用珊瑚餘皆視
一品。

一男朝冠。頂鏤花金座。中飾小紅寶石一。上銜珊瑚。補服前後繡獅。吉服冠頂用鏤花珊瑚。餘皆視二品。

一文一品朝冠。頂鏤花金座。中飾東珠一。上銜紅寶石。補服前後繡鶴。朝帶鏤金銜玉方版四。每具飾紅寶石一。坐褥冬用狼皮。夏用紅褐。餘皆如公。武一品補服。前後繡麒麟。餘皆如文一品。

一文二品冬朝冠。薰貂爲之。十一月朔至上元

用貂尾頂鏤花金座。中飾小紅寶石一。上銜珊瑚。補服前後繡錦雞。朝帶鏤金圓版四。每具飾紅寶石一。吉服冠頂鏤花珊瑚。雨衣雨裳青色。惟各省巡撫均得用紅色坐褥冬用獾皮。夏用紅褐。緣皂褐。餘皆如文一品。武二品補服。前後繡獅。餘皆如文二品。

一文三品朝冠。頂鏤花金座。中飾小紅寶石一。上銜藍寶石。補服前後繡孔雀。朝帶鏤花金圓版四。吉服冠頂用藍寶石。坐褥冬用貉皮。夏用

皂褐緣紅褐。餘皆如文二品。武三品冬朝冠薰貂爲之補服前後繡豹。餘皆如文三品。惟無緣貂朝服及端罩一等侍衛戴孔雀翎端罩。獐獐獐爲之間以貂皮月白緞裏。餘皆如武三品。

一文四品冬朝冠薰貂爲之頂鏤花金座中飾小藍寶石一。上銜青金石。補服前後繡雁。朝帶銀銜鏤花金圓版四。吉服冠頂用青金石。蟒袍通繡八蟒。皆四爪。雨冠紅色前加緣二寸五分。後五寸。青色。坐褥冬用山羊皮夏用皂褐。餘皆

如文三品。武四品。補服前後繡虎。餘皆如文四品。二等侍衛戴孔雀翎。端罩紅豹皮爲之。素紅緞裏朝服剪絨緣。色用石青。通身雲緞前後方欄行蟒各一。腰帷行蟒四。中有襞積領袖俱石青。絁緞冬夏皆用之。餘皆如武四品。雨冠。

御前侍衛。

乾清門侍衛皆用紅色雨衣。雨裳。

御前侍衛用紅色。其餘侍衛各從其品。

一文五品朝冠頂鏤花金座。中飾小藍寶石一。

上銜水晶補服前後繡白鵬朝服片金緣色用石青通身雲緞前後方襴行蟒各一中有襃積領袖俱石青絁緞冬夏皆用之朝帶銀銜素金圓版四吉服冠頂用水晶坐褥冬用青羊皮夏用藍布襯白瓊餘皆如文四品武五品補服前後繡熊餘皆如文五品惟無朝珠三等侍衛戴孔雀翎端罩黃狐皮爲之月白緞裏朝服剪絨緣如文五品朝服之制餘皆如武五品。

一文六品朝冠頂鏤花金座中飾小藍寶石一上銜硃磬補服前後繡鷺鷥朝帶銀銜玳瑁圓版四吉服冠頂用硃磬坐褥冬用黑羊皮夏用黑櫻色布餘皆如文五品惟無朝珠武六品補服前後繡彪餘皆如文六品藍翎侍衛戴藍翎端罩朝服朝珠均如三等待衛餘皆如武六品一文七品朝冠頂鏤花金座中飾小水晶一上銜素金補服前後繡鴻鴈朝帶素銀圓版四吉服冠頂用素金蟒袍通繡五蟒皆四爪兩冠青色前加緣二寸五分後五寸紅色坐褥冬用鹿

皮夏用灰色布餘皆如文六品武七品補服制如武六品餘皆如文七品

一文八品朝冠鏤花金頂無飾補服前後繡鶴鷄朝服色用石青雲緞無蟒領袖皆青倭緞中有襃積冬夏皆用之朝帶銀銜明羊角圓版四吉服冠鏤花金頂坐褥冬用麕皮夏用土布餘皆如文七品武八品補服前後繡犀牛餘皆如文八品

一文九品朝冠鏤花銀頂補服前後繡練雀朝帶銀銜烏角圓版四吉服冠鏤花銀頂坐褥冬用獺皮夏用土布餘皆如文八品武九品補服

前後繡海馬餘皆如文九品未入流冠服制如

文九品謹按嘉慶五年奉 上諭嗣後八九品及未入流帽頂俱當謹遵會典分別戴用毋許僭越戴用七品素金頂其補服亦應按照定制俱不得稍有僭越至外間民間涼暖帽上俱用纓絨大結尤屬非是併著一體嚴行禁止其游手棍徒及逃匪等有假充職官戴用金頂者著實力嚴拏毋任宵小弊混

一左都御史左副都御史監察御史各省按察使及道員補服均前後繡獬豸其都察院都事

經歷筆帖式及按察使經歷照磨等官俱照本身品級不得用獬豸補服。

一官員父母受封者冠服得如所封之品官員加級受封冠服均從本任惟致仕後准照所封之品服用其京外革職留任之員准照原品頂戴服用其有加級捐封因公革職未追

封誥者祇准服用原任官頂戴榮身以示區別

一會試中式貢士朝冠頂鏤花金座。上銜金三枝九葉吉服冠頂用素金舉人公服冠頂鏤花

銀座上銜金雀。公服袍青紬爲之藍緣披領如袍飾。公服帶制如文八品朝帶。吉服冠頂銀座上銜素金貢生吉服冠鏤花金頂餘皆如舉人監生吉服冠素銀頂餘皆如貢生。生員公服冠頂鏤花銀座。上銜銀雀。公服袍藍袖爲之青緣披領如袍飾。公服帶制如文九品朝帶。吉服冠制如監生。外郎耆老冠頂以錫。

一祭祀文舞生冬冠騷鼠爲之頂鏤花銅座中飾方銅鏤葵花。上銜銅三角。如火珠形。袍以紬

爲之其色

南郊用石青

北郊用黑

祈穀壇

太廟

社稷壇

朝日壇

帝王廟

文廟

先農壇

太歲壇均用紅

夕月壇用月白前後方欄銷金葵花帶綠紬爲之祭

祀武舞生頂上銜銅三棱如古戟形袍以紬爲

之通銷金葵花餘如文舞生袍之制帶制如文

舞生祭祀執事人袍之制二其一以紬爲之不

加緣其色

南郊用石青

北郊用黑其二青紬爲之

太廟。

文廟。

先農壇。

太歲壇均用藍綠。

祈穀壇。

社稷壇。

朝日壇。

帝王廟均用石青綠。

夕月壇用月白綠帶制如文舞生。

一樂部樂生冬冠騷鼠為之頂鏤花銅座上植明黃翎袍之制二其一紅緞為之前後方襖繡黃鸝中和韶樂部樂生執戲竹人服之其二紅緞為之通織小團葵花丹陛大樂諸部樂生服之帶用綠雲緞。

一鹵簿輿士冬冠以豹皮及黑氈為之頂鏤花銅座上植明黃翎袍制如丹陛大樂諸部樂生帶制如祭祀文舞生鹵簿護軍袍石青緞為之通織金壽字片金綠領及袖端皆織金葵花鹵

簿校尉冬冠以豹皮爲之亦以黑氈爲之平簷
頂素銅座上植明黃翎袍及帶制如鹵簿輿士
一從耕農官冠青絨爲之頂同八品補服色用
石青前後繡彩雲捧日袍青絹爲之上加披領
腰爲襜褕如朝袍不加緣月白緞裏。

欽定禮部則例卷三十三

儀制清吏司

王福晉公主以下凡品冠妻冠服

一親王福晉吉服褂繡五爪金龍四團前後正
龍兩肩行龍餘皆如

皇子福晉

一親王世子福晉朝冠頂鏤金二層飾東珠九
上銜紅寶石朱緯上週綴金孔雀五飾東珠各
六後金孔雀一垂珠三行二就中間金銜青金

金匱要略卷之三十一
石結一。飾東珠各三。末綴珊瑚。冠後護領。垂金黃絲。二。末亦綴珊瑚。金約鑲金雲八。飾東珠各一。間以青金石。後繫金銜青金石結。貫珠下垂。三行三就。中間金銜青金石結。二。每具飾東珠珍珠各四。末綴珊瑚。餘皆如親王福晉。

一。郡王福晉朝冠。頂鑲金二層。飾東珠八。上銜紅寶石。朱緯上週綴金孔雀五。飾東珠各五。後金孔雀一。垂珠三行二就。中間金銜青金石結。一。末綴珊瑚。冠後護領。垂金黃絲。二。末亦綴珊

瑚。金約鑲金雲八。飾東珠各一。間以青金石。後繫金銜青金石結。貫珠下垂。三行三就。中間金銜青金石結。二。末綴珊瑚。吉服褂繡五爪行龍四團。前後兩肩各一。餘皆如親王世子福晉。一。貝勒夫人朝冠。頂鑲金二層。飾東珠七。上銜紅寶石。朱緯上週綴金孔雀五。飾東珠各三。後金孔雀一。垂珠三行二就。中間金銜青金石結。一。末綴珊瑚。冠後護領。垂石青絲。二。末亦綴珊瑚。金約鑲金雲七。飾東珠各一。間以青金石。後

繫金銜青金石結貫珠下垂三行三就中間金銜青金石結二末綴珊瑚朝褂繡四爪蟒領後垂石青絛朝袍藍及石青諸色隨所用領袖冬用片金加海龍綠夏用片金綠繡四爪蟒領後垂石青絛領約朝珠綵悅絛皆石青色吉服褂前後繡四爪正蟒各一團蟒袍藍及石青諸色隨所用通繡九蟒餘皆如郡王福晉

一貝子夫人朝冠頂鏤金二層飾東珠六金約鏤金雲六吉服褂前後繡四爪行蟒各一團餘皆如貝勒夫人

一鎮國公夫人朝冠頂鏤金二層飾東珠五金約鏤金雲五吉服褂繡花八團餘皆如貝子夫人

一輔國公夫人朝冠頂鏤金二層飾東珠四金約鏤金雲四餘皆如鎮國公夫人

一鎮國將軍夫人朝冠均視一品命婦輔國將軍夫人冠服均視二品命婦奉國將軍淑人冠服均視三品命婦奉恩將軍恭人冠服均視四

品命婦

一固倫公主冠服。制如親王福晉。和碩公主朝冠。金約制如親王世子福晉。餘皆如固倫公主。一郡主朝冠。金約制如郡王福晉。餘皆如和碩公主。縣主朝冠。金約制如貝勒夫人。吉服褂制如郡王福晉。餘皆如郡主。郡君朝冠。金約制如貝子夫人。朝褂。朝袍。領約。朝珠。綵帨。吉服褂。蟒袍。均如貝勒夫人。餘如縣主。縣君朝冠。金約制如鎮國公夫人。吉服褂制如貝子夫人。餘皆如

郡君。鎮國公女。鄉君朝冠。金約制如輔國公夫人。吉服褂制如鎮國公夫人。餘皆如縣君。輔國公女。鄉君朝冠。頂鏤金二層。飾東珠三。金約鏤金雲三。餘皆如鎮國公女。

一民公夫人冬朝冠。薰貂爲之。頂鏤花金座。中飾東珠四。上銜紅寶石。前綴金簪三。飾以珠寶。護領繚用石青色。金約青緞爲之。中綴鏤金火焰。飾珍珠一。左右金龍鳳各一。後垂青緞帶二。紅片金裹耳飾。左右各三。每具金雲銜珠各二。

朝褂色用石青。片金緣繡文。前行蟒二。後行蟒一。領後垂石青絛。雜飾惟宜。朝袍藍及石青。諸色隨所用。披領及袖皆石青。冬用片金加海龍。緣。夏用片金緣繡文。前後正蟒各一。兩肩行蟒各一。襟行蟒四。中無襞積。披領行蟒二。袖端正蟒各一。袖相接處行蟒各二。後垂石青絛。雜飾惟宜。領約鏤金爲之。飾紅藍小寶石五。兩端垂石青絛二。中各貫珊瑚。末綴珊瑚各二。朝珠三盤。珊瑚青金。綠松蜜珀隨所用。雜飾惟宜。絛用石青色。綵悅月白色。不繡花文。冬朝裙片金加海龍。緣上用紅緞。下石青。行蟒。綉緞皆正幅。有襞積。夏朝裙片金緣。緞紗各惟其時。吉服冠薰貂爲之。頂用珊瑚。吉服褂色用石青。繡花八團。蟒袍藍及石青。諸色隨所用。通九蟒皆四爪。一侯夫人朝冠。頂鏤花金座。中飾東珠三。上銜紅寶石。餘皆如民公夫人。一伯夫人朝冠。頂鏤花金座。中飾東珠二。上銜紅寶石。餘皆如侯夫人。

一子夫人朝冠。頂鏤花金座。中飾東珠一。上銜紅寶石。餘皆如伯夫人。

一男夫人朝冠。頂鏤花金座。中飾紅寶石一。上銜珊瑚。吉服冠。頂鏤花珊瑚。餘皆如子夫人。

一一品命婦朝冠。頂鏤花金座。中飾東珠一。上銜紅寶石。餘皆如民公夫人。

一二品命婦朝冠。頂鏤花金座。中飾紅寶石一。上銜珊瑚。吉服冠。頂鏤花珊瑚。餘皆如一品命婦。

一三品命婦朝冠。頂鏤花金座。中飾紅寶石一。上銜藍寶石。吉服冠。頂用藍寶石。餘皆如二品命婦。

一四品命婦朝冠。頂鏤花金座。中飾小藍寶石一。上銜青金石。朝袍片金。緣繡文。前後行蟒各二。中無襞積。後垂石青縑。雜飾惟宜。朝裙片金。緣上用綠緞。下石青行蟒。縑緞皆正幅。有襞積。吉服冠。頂用青金石。蟒袍通八蟒。皆四爪。餘皆如三品命婦。

一五品命婦朝冠。頂鏤花金座。中飾小藍寶石。
 一上銜水晶。吉服冠。頂用水晶。餘皆如四品命婦。

一六品命婦朝冠。頂鏤花金座。中飾小藍寶石。
 一上銜硨磲。吉服冠。頂用硨磲。餘皆如五品命婦。

一七品命婦朝冠。頂鏤花金座。中飾小水晶。
 一上銜素金。吉服冠。頂用素金。蟒袍通五蟒。皆四爪。餘皆如六品命婦。

欽定禮部則例卷三十四

儀制清吏司

冠服通例

一每歲春季用涼朝帽。及夾朝衣。秋季用暖朝帽。及緣皮朝衣。禮部奏請得

旨。通行各衙門遵照。

每年奏換戴涼暖帽日期開列。上三次比較單。恭候。欽定。

一每歲十一月初一日起。至次年正月十六日止。朝會祭祀。俱用緣貂朝衣。禮部先期奏請得旨。行宗人府。轉行王公。並通行在京三品以上各衙

門。

一凡筵宴迎

鑾以及一切嘉禮。俱衣蟒袍補服。每月朔日及初五初十十五二十二十五等日俱衣補服。

一凡親王以下宗室以上皆束金黃帶。覺羅束紅帶。其金黃帶紅帶非

上賜者不得給與異姓。

一凡王公以下額駙等以及民公侯伯一二品大臣侍衛內有蒙

上賜紅絨結頂冠者除所

賜外不得如式更製。郡王以下均不得用織金彩色

五爪龍衣服及五爪暗龍緞若

上賜者許用仍去一爪。若王等賞所屬織金彩色龍者雖服過仍去一爪。其餘服物不得使受賞者踰越品級。

一凡王公以下不得用

上用服色黃色秋香色及黑狐皮五品官以下不得用蟒緞。雉緞。貂皮。狃獺。八品官以下不得用

大花緞紗及白豹天馬等皮

一凡四品以下除京堂翰詹科道侍衛等官外不得用端罩文四品以下武三品以下除有職掌大臣及一等待衛外不得用緣貂朝衣朝會之地除應用端罩人員外不得反穿皮衣混充補服

一凡文六品以下除翰詹等官外武五品以下除侍衛外不得用朝珠惟禮部主事太常寺博士典簿讀祝官贊禮郎鴻臚寺鳴贊光祿寺署正署丞典簿國子監監丞博士助教學正學錄等官在

壇

廟執事及

殿陛侍儀准褂朝珠其平時宴處及在公署仍不得用

一衣服織文親王郡王貝勒用龍文貝子以下宗室各將軍民公以下四品官以上及

御前侍從官均得用蟒文七品官以上得用諸花繪

八九品官用雜花及素繪舉人視七品貢監視
八品軍民吏員得用綾絹餘並不得僭擬

一凡內外文武大小官員頂帽補服坐褥悉照
本身現任品級不得計算加級僭越服用

一凡文武官迎送謁見上司止用補服不得濫
用朝服披執

一商賈有捐納職銜者冠服各從其品無職銜
者與庶民同

一凡考職吏員在籍止用頂帽不得僭用補服
內外各衙門供奉書吏非年滿考職者並不得

僭用金頂

一奴僕優伶皂隸只准服用繭紬毛褐葛布梭
布貉皮羊皮其紡絲紬絹緞紗綾羅及各種細
毛俱不准服用冬帽用染騷鼠狐貉獺皮不得
用貂

一凡王以下文武一品大臣及

御前行走侍衛直省督撫雨衣雨帽均用大紅色文

武二三品及

內廷行走官員並

起居注官。不論本職品級。均得用大紅色雨帽。四品以下雨帽。紅頂黑邊。七品以下有頂戴人員。黑頂紅邊。無職人員。不得用紅色油帽。氈帽。並同

一凡文武官員上朝。及坐班時。如非下雨。戴雨帽者。照例叅處

